

宋
詩
拾
遺

宋詩拾遺卷十目錄

郭霖 三首

翟澥 一首

陳澗 一首

林東嶼 一首

畢仲游 一首

張景修 八首

林旦 五首

胡宗愈 二首

任續 一首

林敏功 五首

齊諶 一首

王 二首

謝孚 一首

韋是 一首

陸壑 一首

林敏修 四首

吳中復 二首

葛闕 一首

錢暄 二首

薛仲庚 二首

徐迪 一首

鮑楚 一首

程叔易 一首

胡致隆 五首

曹 一首

趙宗德 一首

李 朴 一首

張伯玉 六首

章望之 一首

邾 僑 三首

王 洋 一首

霍 洞 二首

宋詩拾遺卷十

錢塘陳世隆彥高選輯

郭

霖字望之臨安人元豐四年解元

送蘓錄事赴虢州

白首舊相知茅津此去時馬驕青草色柳綻綠烟絲落
日曾瞻壘荒城號仲祠聖朝深雨澤寧必嘆衰遲

西耕

鑿田喜得傍湖堤湖水春來好灌畦躬稼自甘名姓沒
不妨寂寞老巖棲

繇三茅直抵紫陽觀

一上雲山思便幽長松怪石坐淹留乘風直造神仙窟
零落烟霞滿杖頭

翟

澣字滄溟永嘉人

搗衣曲

寒蛩何處棲棲傍砧石月停砧聞蛩鳴砧動蛩復歇似
鳴辛苦心欲替征人說去年舊衣寄誰去今年新衣織
到曙却移砧石來支機蛩鳴復在支機處

陳

澣字陽人

平

讀明妃引

驪山舉燼因褒姒蜀道蒙塵為太真能道明妃嫁戎
畫工元是漢忠臣

林東嶼

字平陽人

野色

蒼茫一片誰能畫不着雲烟態自殊漠漠平田新雨後
悠悠芳草夕陽餘水光低映濃如染天影遙連淡欲無
可恨風塵樓易混石橋人斷竹蕭疎

畢仲游

寄鄭介夫

鄭子安強否梅花萬里春如何投虎穴直欲犯龍鱗北
闕今無數疑是南方信有人可憐妻子在年少不謀身

張景修

字敏叔常州人元祐末為浮梁令大觀中累遷祠部郎中

寄湖南憲請祠葉公

聞說年來請洞霄江湖奉使久勤勞有神仙處閒方得
用老成時退更高借宅但知新種竹尋真一作想見舊
栽桃浮梁居士塵埃甚鬚髮而今已二毛

安樂山

映窗猶有雪餘痕
瓶裏梅花枕上聞
一枕燈寒聽夜雨
半床氈暖卧春雲
詩成始覺茶消睡
昏盡翻然酒帶熏
我是挂冠林下客
山中安樂合平分

遊九鎖山

九鎖山中多隱仙
洞門終古掩雲煙
茶生東塢偏迎日
松老西巖不記年
翠箬久藏千歲藥
碧池深納半山泉
蒼崖縱使秦驅得
未信能移一柱天

九月望夜與詩僧可久泛西湖

山風獵獵釀寒威
林下山僧見亦稀
怪得題詩無俗語

十年肝鬲湛清輝

湖州覺海彌陀閣

仙潭覺海唐興善像設瑣琦古至今殿柱倒書雷部火
市橋橫渡木觀音窓前竹影搖金翠風外蓮香散水沉
況有彌陀新建閣動人無限往生心

永慶寺一覽亭

衙城直上有烟密亭在重崖絕壁間幾個白頭忘歲月
一生青眼看江山秋風落水樓臺出暮雨龍沙鷗鷺閒
珍重京西繡衣使作書題牓許追攀

正等院竹軒

種竹纔添十數竿題詩已得百餘篇
有時碎影搖金地盡日清風伴玉泉
不與愛漁人把釣肯教騎馬客求鞭
平生最喜此君子一酒何當聽雨眠

福聖院松軒

雪天蒼翠暑天風珍重松軒十八公
不是詩人少吟咏世間花草易為工

林

旦字士明
累官殿中侍御史人舉進士

桃源徑

十畝紅桃徑穿花過水西清泉來不斷行客到應迷露
錦披芳草晴霞倒碧溪年年春意在當會自成蹊

灌木亭

行行竹間徑時此一登臨為有凌霄幹長垂滿座陰海
雲生遠目山月照閒心幸免材為累無言棄擲深

濯纓亭

早歲逐浮名塵埃已倦行浩然臨絕岵聊此振煩纓世
事隨波遠吾心自水清營營朝市路誰識孺歌聲

竹間亭

昔人嘗種竹此意為山林野翠何凌亂羈懷得放吟
化龍知有節待鳳豈無心愴望山陰客飄然不可尋

曲水亭

崑溜抱山急傳觴何太頻迴看野客醉

醪醑漢

曲人方遠蘭亭跡易陳勞生無足校酣放即天真

胡宗愈

字元夫晉陵人
士官至吏部尚書

閏進
謚修簡

衆樂亭

平湖拍岸海潮通亭在平湖杳靄中
花豔含春雲島晚波光照夜玉壺空
動搖人影兩橋月洗滌塵襟四面風

野老半酣亭下笑漁樵今日與民同

平蕪十頃綠含烟勝事興衰已百年
島榭謾隨民意樂溪山應喜主人賢
點妝野趣灘邊鷺鬢妖容水上蓮
日日流風轉謠俗棹歌長在釣魚船

任續

還珠洞

山林自空閒遊人事幽討岫幌與雲閑
來蹟可堪埽良離矗孤峯玉簪倚天杪
桂水流瀾碧洄伏皆縈繞豁豁岩穴深
虬龍雙天矯坤倪露幽秘造化殫奇巧
勝槩絕

塵寰髣髴蓬萊島悠悠世俗情是非苦膠擾水中蟹何
罪徒勞恤心悄人厄困無妄礫石埋深窳風月幾年恨
山光慘蘿葛星郎大獄孫長城隱南表戎旃整且暇高
情恣登眺郊垌擁小隊一見顏色愀舊觀俄頃復洞戶
天重曉傷心日月過人世幾番老山川不相似歲久依
然好呂岩標強名往事人能道孟公漫驚坐子夏冠非
小桃符錄餘慶邨勝成濮兆冥數今乃驗常幸定誰考
哦詩記貞石 有若樽醪

林敏功

字子仁
斯州人

書吳熙老醉杜甫像

清晨出尋酒家門
塞驢破帽衣懸鶉
年年碧鷄坊下路
野梅官柳慣尋春
酒錢有無俱醉倒
改罷新詩留腹藁
兒童拍手遮路衢
拾遺笑倩旁人扶
百年風雅前無古
沈宋曹劉安足數
後來一字人難補
君莫笑渠作詩苦

題薛彥晦墨竹

修竹嘗連林
誰復訪清秀
妙手拂素壁
直節乃一

別孤芳
妙舞欺長袖
隻影媚澄潭
清風在中雷
山中
歲言逼
慰我聊邂逅
擁腫門前櫺
輒弱常
茂園無芥

斤斤每犯霜雪叩誰知彼糲肥不如此君瘦

子瞻畫扇

夫子江湖客毫端托渺茫攢峰埋暮雨古樹困天霜偏
側餘僧舍溟濛失雁行死生隨化盡此意獨難忘

贈趙正之

君為稻田官君非力田科我令耕田夫為君奏田歌南
畝茨梁稼東郊煙雨蓑田家不作苦奈此歲暮何憫憫
望有年一失成蹉跎立苗非不踈秭稗常苦多小人剝
良善蓬蒿賤嘉禾去惡藉老農芟夷戒駢羅夫君邦之

彥妙年加切礪治國與治身此道終靡他人心不相遠
如以斧伐柯願君日顯榮吾言期不磨

春日有懷

風高收雨急日薄過窗微梅蕊初迎牖春深欲染緋形
容今日是逋仙昔人非節物閑愁緒歸鴻正北飛

齊 謔

遊曹公宮

天作地藏知幾年公來因得茂陵閒誰言物外真仙境
祇接人居近郭山石乳望中蒼玉墮泉源深處卧龍閑

行看再為蒼生起乘興從容重返還

王

字承可

墨梅

前身姑射冰相似今代潘妃玉不如
坐對真成在江國
淡烟微雨暗扶疎

可是傷春故癯瘦未應無意作娉婷
不須更向嶺頭覓
只此松煤畫典型

謝孚

蒼梧即事

近岸江聲急孤舟下杳冥峽泉飛暴雨灘石走羣星水
有瀟湘色猿同巴蜀聽令人思舜德一望九疑青

韋

旻字
祐問應舉上林人元
不第

和陶弼思柳亭韻

白雲變變結相緣半夜鏤鉶舞醉仙五百年來得書記
羅洪溪畔浴沂年

陸
壑

退宮人

破篋猶存舊賜香輕將魂夢別昭陽只知鏡裏春難住

誰道人間夜更長
父母家貧容不得君王
恩重死難忘
東風二月垂楊柳
猶解飛花入禁牆

林敏修

字子來
新州人
敏功弟

閻立本畫醉道士圖

破除萬事無過酒
有客何須計升斗
解將富貴等浮雲
醉鄉即是無何有
昔人繪事亦有神
丹青寫出盡天真
尊罍未恥月漸傾
更待曉出扶桑暎
餐霞服氣浪自苦
自厭神仙足官府
脫巾解帶衣淋漓
眼花錯莫誰賓主
君不見炙手可熱
唯權門欲觀佳麗
遭怨嘆何如銜杯

樂聖藉地飲安用醉吐丞相茵

文湖州作山水橫軸吳希全家藏其子誠伯求
蘇直賦詩語特奇妙遂用其韻同賦

明窓十日復五日出此湖光與山色前身畫師語不妄
文侯乃是金門客乍從雲際辨遠岫爭數喬林誇眼力
沒漂菰米歲事空水濱枉下南飛鴻欲投曉渡喚舟子
急漿已入昏烟中徑思天遣問歸路錯認江鄉舊洲渚
能傳萬里在尺素豪奪應防卷寒雨

觀劉格非畫

人言畫師非俗士小技不妨聊戲耳欲搜萬象入詩句
未若丹青易盈紙坐令晚景下鴻雁力奪春工發紅紫
明眸破笑不作難頃刻冰紈出西子信能自適亦自累
好事終為人所使曷不窮年自寫真奮髯箕踞走百鬼

張牧之竹溪有引

張牧之隱於竹溪不喜與世接客來蔽竹窺之或韻
人佳士則呼船載之或自刺舟與語俗子十反不一
見怒罵相踵不顧也人或以少漫即余獨喜與古人
意合乃作竹溪詩

幽閒古城陰結屋清溪曲溪流湛回映上有青青竹漫
郎欣得之綠髮詠空谷高風及前修勝趣隨遠矚惡客
徒擾人立談非我欲麾去宜汝嗔真意聊自足或言不
當爾往往相謗譏答云豈吾私恐作林泉辱源流別涇
渭臭味同草木肯當百事勝容此一物俗獨餘稽阮輩
蕩漿戒臣僕濁醪澆古習日沒還秉燭僕忝爪葛後意
氣頗相屬平生幾兩屐共老三徑菊行年事無定此計
諾已宿徑須買牛衣兒亦荷書簾從子竹間遊溪魚剝

寒玉

吳中復字仲庶永興人進士及第官龍圖閣學士

衆樂亭

賢侯新葺水雲鄉
虛閣崢嶸綠渺茫
波面長橋步明月
人家疎影帶殘陽
風中白鳥侵烟去
雨後紅蕖擁袖香
從此郡圖添故事
歲時遺愛似甘棠

烟波空濶岸低回
草綠花紅處處堆
一片湖光分島溆
四邊山色入樓臺
從來未有吾民樂
此地欣逢刺史來
目斷鄞江何日到
京師只得畫圖開

葛 閱

題顯孝南山寺

六時香火集宗雷
日上雲收紫翠開
應笑守魔公暇少
二年官滿一曾來

錢 暄

遊日山

清晨渡水陟秋山
日上高原葉葉丹
已傍松筠尋磴道
更瞻堂殿倚層巒
梁間雲氣蒸衣潤
窓外嵐光照席寒
顧我塵勞嗟少暇
暫驅熊軾一盤桓

東湖共樂堂

疏就湖山秀氣濃
花林茂列景爭雄
管絃交奏客懽合
臺榭競登人喜同
環嶂驚行飛早晚
平波魚陣躍西東
荒蕪芟去成佳致
換得汀洲月與風

薛仲庚

字子長永嘉人
析居瑞安

讀書

憂來駐我行
困來駐我睡
文章堆案頭
時復一開視
豈能皆通說
偶然聊適意
駿馬驟平途
里程何足計
萬象羅目前
忽為塵所昧
虎豹貴搜獵
狐兔從委棄
五鼎雖
共珍聞名
豈知味均此
一卷書
今日與昨異
求名無欲

速要當畢斯世古人不為經言動人偶記悲哉漢諸儒
白首閣文義

春日

晨遊每及晡夜游不知旦春風似醅醪盎盎消我悶春
月似新茗泠泠清我困人生能幾遘月圓花爛熳何為
守幽獨忽忽音容換沂水舞雩人天機自游玩叔子登
峴山浮名何足歎

徐

迪

字紹聖元年進士人

北園載酒

簷影蔭游魚江聲顫崖竹雲帆天外去龍刹空中轟霞
明晚渡紅草暖晴沙綠澄波見歸鳥紛霽迷飛鷺有時
雪浪吹玉馬爭追逐青霄皓月滿琉璃瑩極目謝傳昔
出宰天葩動驚俗一讀梁間詩清風感佳木

鮑

埜

字份甫號鰲川
永嘉城南人

初夏閒居

杜門初入夏貧不厭身閒白日靜於水綠陰濃似山野
疏留客飯小艇送僧還却憶西庵夜泉聲石壁間

程

字叔易

題畫扇

萬里稻梁高興誰將出入君懷已訝天遙月上更疑顏
末風來

胡致隆

字藏之自號
蒲灘居士

題吳生畫桃源圖

王宰五日畫一石左思十年賦三都誰似今時吳道子
咄嗟能辦武陵圖武陵不與人間隔可憐舊日無尋覓
蒼蒼烟水只依然試倩魚舟問消息

藕

平生冰雪姿
七星羅心胸
豈無有絲毫
上裸天子聰
而不自薦達
胡為乎泥中
沉疴政無賴
安得若從容
其子亦可憐
風味如乃翁

瘞鶴銘詩

當年誰為裹元黃
潮打孤城草木荒
華表竟無新信息
斷碑空有碎文章
雲埋紫蓋峰何在
烟鎖青田道正長
遙想華亭披道氎
夜隨明月過錢塘

落星樓卽事

在落星石今廢

葛中藤杖竹籬蔭
夜靜江樓縱目初
海獸擎山出彭蠡

玉龍銜水下匡廬三更雲靜猿啼月十里天寒人捕魚
已問湖山借歸閣一作圭他年來此老樵漁

仰山寺

山下清泉迸石流山前松竹自春秋猿吟古寺偏深處
雲集羣峰最上頭一老有靈飛翠堵二神無語鎖寒湫
諸天更在藤蘿外欲踏層巔悵末由

曹

字元象

客有遺予畫梅花者淡墨暈成因命之曰梅影
憶昔神遊姑射山夢中栩栩片時還冰膚不許尋常見

故隱輕雲薄霧間

趙宗德

九日宴浮金亭

東山樹何青青鐔津水何泠泠茂樹可蔭流水可聽眉
山夫子能解事却于水邊樹下構危亭洪波浴日金錯
落瘴雲不雨烟濛漠風塵瀕洞去天遠草木蕭蕭知地
靈盤州為愛黃華節携我登臨邀衆客假令有酒多似
藤江水豈能洗我胸中之鬱抑甘侯昆玉文武全傾蓋
交遊五情熱故人亦有許判官清政平生心似鐵文采

風流喻幕賓曾陪聰馬清南越劉君原是省薇郎治民
有道多籌策令簿懷才亦不羣芳名皆在斯文列儒林
龔魏兩茂學逸氣直與青雲接孟嘉落帽是何年岸幘
西風感前哲天荒地老事茫茫白髮無情滿頭雪醒時
飲醉時歌尊前要使衰顏酡不飲奈此清興何人生聚
會能有幾江海親舊今無多

李

朴字先之興國人
官寶文閣待制

次韻王巖應詔

天書遠下事徵求鄉里同推馬少遊世事已非三不可

年華却是一宜休豈緣薄祿貽身累只為當時分主憂
筇杖芒鞋留我伴但聞談笑即封侯
擲餌求魚計亦難長鯨搖曳海波寬狂風有待三秋起
健駟須教萬里搏直以逸民朝聖主不隨計吏上春官
庖刀休用援尸祝巾笥豈封貢禹冠

憶玉巖二首

阿閣曾看紫鳳棲暮年江國擁旌麾孤雲南北本無定
浮世悲歡那可期鶴頂丹砂埋藥竈烏頭綠水浸春陂
待公踏遍紅塵地景物歸來似舊時

秋風燕雀正閑閑。忽見籬邊菊。又斑寒夜自知霜露重。
海鷗常伴水雲間。百年往事丹心裏。千古聲名直道間。
此意屬公須慷慨。晚雲成雨便歸山。

崆峒山

雲根秀出碧芙蓉。煙晃霞飛瑞靄中。地脉九枝龍奮蟄。
天河一派練橫空。

天竺山

天竺崎嶇絕海遙。何人分作贛江禪。驚山巧疊三峯石。
葛塢深疏兩派泉。一醉風光能幾許。十年塵跡尚依然。

欲題豹隱還相笑
盼斷長空簇暝煙

馬祖巖

踏盡層巒上小亭
日華初泛曉煙清
塵埃不到門常靜
身世相忘性自靈

乞巧

處處香筵拂綺羅
為傳神女渡天河
休嫌天上佳期少
已恨人間巧態多
齟齬自應工嫵媚
方心誰更苦錙磨

見孫樵柳子厚乞巧文

獨收至拙為吾事
笑指雙針一縷過

張伯玉

隱靜山

高士浮杯來投鋤頓清絕到今千丈松間伴五峯雪凌
烟孤鶴起向晚啼猿散不見纖塵飛寒泉湛明月

寄令狐挺

羨君席上碧雲句吟徧江南煙雨春豈惜笙歌連夜醉
且看風物逐年新花開花落幾時盡閒是閒非愁殺人
何似陽臺雲畔曲細聲拂拂下梁塵

蓬萊閣

在會稽府治
吳越王建

書報蓬萊高閣成越山增翠越波明雲空海上天地靜

人在月中金翠橫游女弄芳珠作珮仙人度曲玉為笙
會須長揖浮丘伯醉聽銀河秋浪聲

蓬萊閣醉歸

蓬萊閣上醉歸時猶索芳樽步步隨啼鳥似來留翠珮
傍人為笑整花枝腰間半掛黃金印頭上斜欹白接羅
拍手向他賓從道使君未老勿扶持

刑塘

在越中防風氏身長三丈刑者不能乃築高塘臨之故名

防風獨彊梁後至行趨趨天威不可捨敗骨盈高車至
今憔悴烟慘淡藏封隅

越州府治

萬疊湖山煙水濱
朱門畫戟間松筠
登臨不踏紅塵路
燕寢長居紫府春
畫靜欲驂風外駕
夜寒疑是月中身
我慙白首方懷綬
猶得蓬萊作主人

章望之

字民表
浦城人
官光祿寺丞

夏晝

一日常百刻
轉若車輪忙
千日十萬刻
百年能幾長
達人齊古今
一生甚微茫
夏日豈為永
而足以較量
人世不足惜
行善乃自彰
無及閑暇時
般樂為淫荒
夷齊餓

人者顏閔非公王其人品孰亞周氏與虞唐亦用仁義
積豈今身未亡富貴無可恃莫與公道強夜思晝以力
四序皆流光示君夏晝誦惕惕其自傷

邾

僑字子高鹽子嘗從王
安石學號凝和子

簡公約素琴堂

素琴之堂虛且清素琴之韻淪杳冥神閒意定默自鳴
宮商不動誰與聽堂中道人骨不俗貌龐形端顏瑩玉
我嘗見之醒心目寔必絲桐弦斷續嗚呼靖節已死不
復聞成虧相半疑昭文阮手鍾耳相吐吞素琴之道詎

可論道人道人聽我語紛紛世俗誰師古金徽玉軫方
步武虛堂榜名無自苦

翠微

行客倦奔馳尋師到翠微相看無俗語一笑任天機曲
沼淡寒玉橫山鎖落暉情根枯未得愛此幾忘歸

訪凌峯賢上人

步入凌峯閣尋師師未歸凭欄寂無語惟見白雲飛

王

洋字元勃山陽人御史資深子以省試
第二名中宣和六年甲科官博士

餘干縣琵琶洲

塞外風煙能記否天涯淪落自心知
眼中風物參差是只欠江州司馬詩

霍

洞字太清武進人
崇寧廷對第一

宿田舍

北風吹晴屋滿霜
翁兒赤體悲無裳
閨中幼婦飢欲泣
忍飢取麻燈下績
一身豈暇私自憐
鳴機軋軋明窓前
織成五丈布
翁作襦
兒作袴
明朝官中催租急
依然赤體當風立

太守春遊呈以絕句

朝來五馬去尋春
誰信家家甌有塵
枕藉道傍宜細問
恐非芳草醉眠人

宋詩拾遺卷十一目錄

蘇 庠 五首

李 傳 二首

謝 雋 伯 三首

曾 逮 一首

徐 作 一首

趙 必 英 一首

林 千 之 一首

林 元 卿 一首

李 邦 彥 一首

郭 忠 孝 三首

伍 餘 幹 一首

趙 師 恕 一首

呂 絃 一首

許 仲 山 一首

吳 贖 一首

樓 鑑 一首

趙 賜 二首

李 格 非 一首

唐 弼 二首

黎 近 華 一首

鄭 若 谷 一首

陳 晉 錫 一首

盧 襄 三首

李 行 中 二首

黃叔美一首

鹿敏求二首

李似之一首

趙希迈三首

朱克家一首

俞 鵬一首

儲 泳二首

熊道裕一首

許 顥一首

趙永年一首

李彌素一首

趙恥齋二首

李商叟一首

謝 伋二首

無名氏四首

陳栖筠一首

宋詩拾遺卷十一

錢塘陳世隆彥高選輯

蘓

庠字養直丹陽人
有後湖集十卷

清江曲

屬玉雙飛水滿塘
菰蒲深處浴鴛鴦
白蘋滿棹歸來晚
秋渚蘆花一岸一作片
霜扁舟繫岸依林樾
蕭蕭西鬢吹
華髮萬事不理醉
復醒長占煙波弄明月

宿飛來峯下

吳中未歷佳山水
湖上懷思去惘然
雲去雲歸兩峰寺

鷗飛鷗沒夕陽天客愁官渡落花雨歸夢下湖春水船
想得對床成夜話何須隴月向人圓

王文孺新築小圃賦贈

玉郎曜菴摩詰詩煙花遠舍江遶籬石渠東觀了無夢
筆牀茶竈行相期古人已往不可作甫里顧有今天隨
灣頭蟹舍豈著我請具簞笠懸牛衣

陶隱居畫像贊

慈珠妙言字照編簡雲羅三館其人則遠世衰道喪完
節者鮮臨終之歎作世和扁

王文孺草堂

笛弄松江明月蓑披笠澤歸雲若話青霄快活五侯何處如君

李

傳字
江西提刑

人

題玉岩

雨餘山色一番新物態民情若遇春正好憑高飄逸興
便教避世出紅塵再登雲外通天路就見岩中慕道人
俯仰熙和都得意心懽手舞喜逢辰
良時漸近一歸新人物熙熙樂比春石磴屈盤登絕頂

岩高虛寂斷纖塵登臨疑是壺中景談笑真同物外人
可是英靈招隱逸芳名千載起茲辰

謝雋伯

字長父號偕山永嘉
鶴陽人著有和樵集

秋日雜興二首

西風運金氣萬籟含商聲寒蛩亦何為微音最淒清幽
人倦長夜拊枕難為情朱門沸歌鐘醉臥鴛鴦屏晨鷄
喚不醒況乃聞蛩鳴蛩聲自酸棲賴有幽人聽

高槐墮踈花梁燕感時節神飈駕輕翮行計夙已決飛
鳴繞前簷似與主人別烏衣隔海雲去去避霜雪故壘

尚未歸相期杏花月

西湖偶成

思遠樓西平嶼東會昌湖上藕花風水亭隔岸湘簾捲
人倚闌干憶謝公

曾逮

清樾軒

開軒在獨園繞屋得清樾不知何年樹殆為今日設窓
扉落林影時復亂風月喧聲了不聞幽弄極可悅玉溪
僧所廬無似許明潔頗疑三昧手斷取從三浙禪房花

木深此語信佳絕何以落其成爐烹薦茗雪

徐作

開菴

藜莧幽人室丘園隱者居一原青嶂合萬木綠陰疎
手把歸田賦腰懸種樹書桑麻連畛秀網罟入溪漁

趙必英

疎山

唐有隱士何仙舟飄飄逸志誰與儔結廬不復在人境
束書來伴白雲遊山為有書名轉覺書到山中偏有味

夜隨殘月了餘編一枕清風無盡意世人何事最荒疎
為盡信書如無書疎山門外盡標榜忍使靈谷成空虛
自唐而下經幾載釣臺書樹仍何在仙舟仙舟知不知
此山却被危公賣矮師移來佛道場石牀苔蘚尚芸香
千岩萬壑長秀氣山不藏書書自藏吁嗟釋道太相遠
換氏芳名殆忘本隱士入山恨不深有道在人任舒卷
今來古往事悵然不斷塵中一炷烟青山綠水知我者
未必人仙書亦仙吾道之功等天地萬象包涵廣無際
饒他窟裏作生涯勿謂矮人有多計

林千之

字能一號雲
根平陽人

送馬靜山寄林曉山兄弟

古井誰復汲古調誰復裁元鶴引清吭萬壑松風哀彼
美三株樹沆瀣斟瓊臺吾宗大小山正爾期不來袖有
明月珠遠道馬子才江空山亦深乃肯穿蒼苔妙悟元
中元使我心悠哉有墻肩曹劉無苑延鄒枚採薇霧失
道釣鰲風拆桅朔風無重裘地爐擁寒灰兩窮相值遇
一笑聊參陪白日苦無光暖律何當回持此將安歸令
人心膽摧吾聞三神山縹緲連蓬萊滄海正清浮神仙

亦冤崔歸歟三隽朋下界空飛埃

林元卿

字廷輔平陽宋步
人任南安知州

客窓夜雨

萬里辭家春復秋異鄉何日夢刀頭
業如獻豕從渠笑藝學屠隆只自羞
香盡一爐聞夜雨燈殘半壁數更籌
斷腸不柰梧桐上滴碎向心點點愁

李邦彥

二妃廟

蒼梧杳靄迷霞躅晚雲愁入修眉
綠薰風不動五絃空

清血斑斑在山竹

郭忠孝字立之

贈吳德夫

雲霄拂衣早幽意滿江湖天地英聲在風流何代無屬
辭還雨漢垂鈎合三吳倚棹傷今古長歌擊唾壺

與呂微仲范彝叟登福山寺

夾路東風花欲燃羣仙攜傍翠微巔空階遍撒金蓮火
虛殿高燒寶篆烟禪寂靜談走遁後道源真悟伏羲前
尋僧未及鳩蓮社且共青樽石榻連

寄懷張元德秘書

良覲睽違數載餘故人踪跡近何如
春秋藉子發精義周易慚余無特書
山閣停雲愁絕處屋梁落月夢回初
何時共剪西堂燭尊酒論文剪野蔬

伍餘幹

偕康子雍州季子東所遊虔州通天巖

山靈不為紅塵掃仙竇玲瓏自天巧
或開或合誰主張元氣淋漓出蓬島
壓服坡陀萬象高平鋪練帶三江繞
水西接軫到斜陽勒馬回問遲早
不見真仙只為仙

猶嫌禿髮頭顱老三生豈必石點頭三晉何石言好
行先之後更幾人龍奔虎噬爭雲擾吳山但見楚山高
豈知砥柱千金寶山崩雨蝕不知年各得帡幪各相
出門小吏驚且呼虔州刺史心生惱急着歸鞭信馬蹄
春風猶帶蘭香草燒燈更上鬱孤臺吳楚東西春未了

趙師恕

月巖

賸此巖壑勝領客共登臨危棧臨不測巖塗歷巖巖俯
仰極高低上下探幽深來登空明山千崖正沉沉下瞰

青羅江古木鬱蕭森清風萬里來層雲盪孤襟有客可
共賦有酒可自斟此景豈易得此樂豈易尋吾生今老
矣遁跡歸窮岑一棹下瀟湘此別意難任別後無相忘
詩成寄郵音

呂 紘

黃犢巖

在武林
城東北

疇昔聞高隱紅塵隔遠林閒乘黃犢出踏破白雲深

許仲山

字襄邑人晚以特奏
名得官調南劍州順昌府

和御製宮詞

輕裘慘慘透輕羅
玉箭銅壺漏水多
常是未明供服御
夢回頻問夜如何

吳 贖

月石

嫦娥促輕車翩翩下
瑤城窮幽得靈山
意欲家平生墮
石擬素魄神功夜無聲
佳桂願托根
老兔祈偕行
上帝聞之怒地祇奪我
暗交詔責其歸命
駕涕以橫事往千
古後殷勤有餘情
夜半纖雲收回光
對兩盈

樓 鑑

靈泉寺

猶興往事亦難明對景思人想獨清
黃絹異時留好語幽泉千古擅佳名
五星巧作聯珠勢一派嘗聞瀉玉聲
他日相逢如話舊也曾到此會簪纓

趙

賜字入若其先本杭人徙鄭州及汴中畢漸榜甲科後竊信州玉山章泉之曾祖也

奉和姚仲美臘梅

陽和都未見芳菲初喜寒苞發故枝
絕色更無朱粉態真香竝許燕鶯知
凝愁金谷登樓日飲黛溫泉賜浴時
寫作新聲傳玉笛誰人持向月中吹

題劉資仁韓幹飲馬圖

韓幹所畫天閑圖縣官日給三品芻不嘶不鳴肥如鳧
時時步作康莊衢飲之曲江戲短蕪沙軟風輕樂于于
豈知渥洼真龍駒垂頭戢耳困鹽車圉人太僕反歎歎
瘦骨硨磲甘為駕不須驤首顧長途局促驥足何時無

李格非

字文叔濟南人
自稱易安居士

臨淄懷古

擊鼓吹竽七百年臨淄城闕尚依然如今只有耕耘者
曾得當時九府錢

唐 弼

敬和經略直閣寺丞丈 贈劉升之蟄巖之作

二首

古人事業不閑書聖處功夫咏舞雩窈窕巖居辱題品
南陽端有卧龍無

倚天寒碧鎖嵌空咫尺丹霄有路通莫向明時縮頭角
風雲只在笑談中

黎近華

疎山

杖藜徐步興何長
宛宛嵐光接水光
蟬噪荒林桐葉老
風回半野稻花香
卻過蕭寺尋僧話
又入松軒臥晚涼
雨後微雲山更好
與君行李未須忙

鄭若谷

三江亭和郡守潘公韻

遠望登高萬象侵
元戎端不為花尋
未誇駕鶴蓬山路
應壯斬鯨遼海心
小艇鱸肥盤膾玉
危欄客醉梳揮金
中流擊楫雄圖遠
回笑三閭澤畔吟

陳晉錫

三江亭和郡守潘公韻

神襟百慮不容侵，勝槩乘閒偶訪尋。
趺坐豈無觀水術，臨流應有濟川心。
欲將蓬島溶溶氣，散作陽春字字金。
郢曲調高人寡，和微生何敢綴雄吟。

盧

襄

字贊元，三衢人，南渡前侍從。

窗外梅花

已消殘雪，豆稽灰斜壓，疎籬一半開。
雖我故園無分看，問渠春色幾時來。
冷香漸欲薰詩夢，落蘂猶能韻砌臺。
定復水邊多屐齒，試令長鬣視蒼苔。

和田南仲梅

壽陽粧額太矜持不待宮船賜口脂
惜妙風姿令雪妬定真消息有春知
試看呵手擘條處何似成陰著子時
莫遣王孫三弄絕早尋疎影對江湄

協忠廟歌

自泗州抵宿州歷南京至雍正乃張許二公保障江
淮之地也昔安史梟鳴蹂我蒿岱哆然四顧有橫吞
天下之志二公提孤兵挫強寇托東南咽頷以江淮
用濟艱難非古烈丈天疇能哉吾見其北風擊地

林木怒號意者南霽雲之喑鳴也古木蒼涼怪石孤
聳意者雷萬春之壁立也殘陽滿地餘霞一抹則愛
妾之血肉尚在也寒鴉怨鳴林鳥爭飛則侍童之精
魂猶存也為之歌曰

強 倚劍摩崕峒范陽兵火燒天紅潼關失守大將死
鑾輿播遷岷峨中貌貅兵甲照冰雪戈頭盡是生民血
鯨海揚波魚鱉腥中原盡作天山月二公探甲怒挽槍
極聞軍前皆皆裂食窮愛妾膏斤斧愁感蛾眉氣如縷
花鈿寶髻誰復收壯士相看泣如雨霜刀扶齒肉未寒

再造皇家有英主雄心義骨填溝壑不得生榮同李郭
論功初入鵷鵲樓圖形已上麒麟閣

李行中

字無晦本雲川人徙居淞江
高尚不仕晚治園亭號醉眠

賦佳人嗅梅圖

蠶眉鵝髻縷金衣折得梅花第幾枝
嗅盡餘香不回面思量何事立多時

醉眠亭自咏

簷低檻曲莫嫌隘地僻草深宜盡眠
代枕暮憑溪上石捲簾時看屋頭烟
倦游拂壁畫山逕貪醉解衣還酒錢

一水近通西浦路客來猶可掉漁船

黃叔美

金壇

金溪有金源昔我未嘗造因逢吳道士言此山水好金
僧來自蜀所至事幽討地名適相符結茅遂棲老一朝
入石塔千載錮其寶白雲何漫漫流水亦浩浩相傳石
井頭鞋跡猶可考安知斯塔內歲久骨應棄龕燈長不
滅落葉風自掃山僧具茗酌言語頗知道請題壁間詩
茲行殊草草所欣得二趙登覽散中抱日午餉田家壺

觴共傾倒素心
愜清賞恨不避喧
早偶尋幽侶出徵
逐非所好歸途霜
月下譙鼓更漸報
明朝人事乖相望
不可到

鹿畝求

上城院

疎林烟重集昏鴉
攬轡行穿路逕斜
文室颼颼風入戶
龕燈明滅燼垂花
抵寒猶欠千鍾酒
破睡聊資七盞茶
昨夜驚鴻雲外過
漸催清夢遠天涯

福思寺

自憐滾滾抗塵客深入雲山得梵宮拂榻欲為莊叟夢
披襟聊挹楚王風條松老幹森森直古麓寒泉脉脉通
衲子久能嚴戒律爐香深炷掩房櫳

李似之

白水寺

飛鳴屋上鳥入我夢中聽遲明月未是平曉風更靜遊
雲四山幕止水萬象鏡身如走空塵南北了不定

趙希运

字西里
樂清人

昆湖夜歸

渡湖歸古縣一望水程賒月正帆無影風橫浪有花寒
更知戍屋野火是漁家擬待春洲暖重來採荻牙

贈劉隱君

幽居雜嶺雲清過晉時人學苦常如病家和不見貧雪
消巖溜急春近砌苔新寒燭半明滅通宵語意真

山縣

山縣渾如野客家游蜂數點起朝衙簿書押了無公事
小吏呼來掃落花

朱克家字月林

玉馬山

水石嵌空山磴確瘦藤扶上青雲幕平川一望渺無際
東疑岵夷北朔漠駕天壑獻輸翠浪奔野細流橫雪槩
疎峰點點鴈聚沙密嶼喁喁魚縱壑一江淨綠遶書元
幾隴斷畦成卦剝乍驚漁唱出烟靄時聽村春動籬落
幽遐異景爭指說老眼苦難覓渺邈夜間支枕掛銀窗
閃閃星河手可摸何年標名稱玉馬蹴踏風雲跨寥廓
更連三十六奇峰削玉排青相間錯偶因佳友得壯觀
俗慮塵襟頓疎淪愉然物外豈非仙不須更羨遼東鶴

俞 翥

疎山

路入千巖紫翠深
溪山好向夢中尋
松風洗淨笙歌耳
泉石挽回花柳心
曲水流觴追禊事
茂林修竹是山陰
蘭亭舊墨空磨滅
俛仰人間成古今

儲 泳

登漣漪閣

傑閣枕平川
秋光淡遠煙窗閑
林外景影占水中天
野色歸吟笛
征帆過客船
危欄人徙倚
縹緲十洲仙

光風霽月亭

一段風流出自然中和氣候嫩涼天
百年心事無人會何與茅亭伴呂仙

熊道裕

中宮院

我昨投文清泠淵稍責老龍多睡眠
鐵笛穿雲久寂寞作詩喚起劉高禪
劉高恭龍龍與語一夜風雷共謀雨
雨師荷鍾破天河阿香應門覓桴鼓
不用樂巴西喫酒那用出龍煩魯叟
殷勤寄語望雲人高僧自是調元手

今朝夏底明日秋一夕不雨還自休
南陌沾濡北阡渥東鄰感激西家愁
安得黑雲如漏卮處處家家田作池
予有鉢飯便可飽雨我公田遂及私

許

顥字彥周襄邑人著
有房周詩話

夢中詩

閒花亂草春春有秋鴻社燕年年歸
青天露下麥苗濕古道月寒人迹稀

趙永年

遊紫麟峰

千仞奇峰薄上清
葛洪於此尚留名
紫麟瑞靄春風暖
白虎丹成夜月明
點點蒼苔空有跡
菲菲芳草不聞聲
高蹤回首今何在
山水猶含萬古情

李彌素

白水寺

白水水逾白
疎山山不疎
林迷鐘遞響
路久衲分裾
寤寐念丘壑
征行懷簡書
西來有意否
試與問何如

趙恥齋

疎山

兩到臨川愧罔功，只凭心事對蒼穹。
江鄉又喜今年熟，一笑歸田作好冬。
重訪招提恰六年，松風蘿月故依然。
世間萬事都休問，燕坐看山是好禪。

李商叟

疎山

忙中安得此身閒，杖策西風自往還。
今日已償雲水債，籃輿帶雨下疎山。

謝

伋字景思
陽夏人

訪庭觀二首

蕭蕭六轡天邊路
雲竹風松正歲寒
欲洗衰顏換凡骨
應須九轉大還丹
雲輅一去遼難追
丹鼎埋光固不疑
承露仙人辭漢後
幾重深杳隔瑤池

無名氏

和別駕蕭世乾贈王巖詩四首

莫守陳編學蠹魚
筌蹄真似古人書
利名滄海浮漚聚
身世乾坤逆旅居
懶向明庭陳一得
還留故館積三餘

塵埃滿足崎嶇地羨子搏風上日車

折腰五斗信非天薦福徒勞一鶚書淵底縱鱗誇水泳
林間宿鳥樂巢居心隨俯仰緣無慊身任行藏自有餘
試問通衢何處是聖門無限指南車

堪笑先生四壁無寒窗刺有五車書一童只許長鬚伴
半世長同隻影居白屋不嫌藜藿少朱門却厭稻粱餘
枕流漱石多佳趣不羨人間駟馬車

富貴須論命有無謀身只是半行書飢腸不羨千鍾粟
廣廈何如一畝居世路茫茫終偃蹇生涯處處是贏餘

蕭條此道誰為助，掩卷時過長者車。

陳栖霞

三江亭和郡守潘公韻

紅塵一點不相侵，下瞰澄江幾萬尋。
地接海潮分鼎足，簷飛鳳翼峙天心。
三山有路雲收幕，午夜無風月湧金。
欲識龔黃報新政，滿城爭唱使君吟。

宋詩拾遺卷十二目錄

祖德恭 三首

魯公亮 二首

李惟德 一首

高子鳳 一首

李宗易 二首

朱伯虎 一首

程逖 一首

魯紆 四首

王雱 一首

張元觀 一首

程師孟 四首

許尚 十三首

余爽 二首

許子紹 一首

張擴 二首

廖正一 二首

郭儼 二首

魯空青 二首

余應奎 一首

魯宏正 三首

周光嶽 一首

吉康國 一首

張鏌 一首

艾申 一首

周之翰 一首

張田 一首

江端友 一首

吳 一首

徐直方 三首

章夏 一首

魯 四 一首

王 陶 二 首

張 堅 三 首

宋詩拾遺卷十二

錢塘陳世隆彥高選輯

祖德恭字肅之范陽人

張安卿輓詩

孝養人誰及清修少比倫旋聞丹旆具俄見軸車存空
嘆音塵遠猶思燕席溫安然向窀穸感涕一銷魂
清白傳家舊天鍾問世才大椿宜更壽喬木遽先摧難
止交情戾空遺寶燭灰幽墟歸葬處悽悽暮雲堆
重嘆張夫子神襟遽忽靈摧山傾嶽筭萎哲奄椿齡舊

室唯圖象新阡但刻銘何堪聽歌挽埋玉在幽垆

魯公亮

宿甘露僧舍

枕中雲氣千峯近牀底松聲萬壑哀
要看銀山拍天浪
開窗放入大江來

輓老蘓先生

立言高往古抱道鬱當時鉛槧方終業風燈忽遽悲
名垂文苑傳行紀太丘碑後嗣皆鸞鷟吾知慶有詒

李惟德

老人岩

絕巘綾層面勢尊
老人岩洞更連軒
何時鑿出青雲路
盡日高開碧玉門
靜照井閭森寶秘
靈庠星斗弄清溫
直須賦有神仙骨
便好飛騰向上奔

高子鳳

和慧日師白蓮花詩韻

地產白蓮異禪宮
自此興殊祥
天不靳奇艷
雪堪陵鬼化
疑吳女杯傳有蜀僧
何當尋勝槩
吟斷佛前燈

李宗易

閑居有感

進退荷君恩孤懷豈易論以閑銷日月何力報乾坤
架
上書千卷花前酒一樽相持兩成癖此外盡忘言

靜居

大都心足身還足只恐身閑心未閑但得心閑隨處樂
不須朝市與雲山

朱伯虎

普照寺月軒

愛月開軒絕頂間峴然巍然壓層巒剪除羣卉當檐盡

添得清光滿檻看亂石雲堆秋色冷老松風入夜聲寒
十年夢寐江鄉景杖履終期日倚欄

程 述

翠雲山

翠雲轉細路碧障吞斜陽豁然見林壑蕭爽意已涼瀑
泉自何來萬折到此方亂石不可過作雪練光噴薄
勢殊偉琮琤聲更長分流給稼穡餘浸滋篁松今夕持
酒杯臨風據胡牀塵襟百慮滌清賞一念償終當結茅
廬安用煩支郎尋盟在休浴占此雲水鄉

曾

紆字公卷南豐人

客愁

客愁如蠶絲一攪成萬緒秋風不可奈又到庭前樹秋風自有時客愁了無期不如飲美酒誦我山中詩

遊水西

杖藜出郭一水近石磴古路穿松筠萬仞絕壁倚天末百折驚灘當寺門泉聲飛下錦繡谷殿影插入玻璃盆宣州水西天下勝閬州城南何足論

一作云

宣川道中

渡水穿橋一徑斜
潦收溪足露汀沙
半川雲影前山雨
十里香風晚稻花
異縣悲秋多客思
豐年樂事屬田家
故園正好不歸去
滿眼西風吹鬢華

疎山

江海相望二十年
依前骯髒倚門邊
家風敢謂龐居士
句法空悲孟浩然
想見風流繼蓮社
應傳圖畫入斜川
病夫詩思猶艱窘
正似潮迴上水船

王 粲

翠雲山

寺古無鄰家
千山抱虛碧
門開猿鳥路
殿鎖烟霞積
老木森回溪
飛湍自淙激
曾無車馬到
絕境間今昔
逍遙賢大夫
有北携佳客
鳴騶清曉來
歸時日常晏
不使訟庭空
誰能做泉石

張元觀

翠雲山

未了人間朱墨緣
強顏荒邑又三年
填胸矐目皆塵土
直到峰頭始豁然

程師孟
字公明
吳人

與陳襄劉彝湛俞同遊品石

聞說林泉便訪尋
平田一徑陟孤岑
松陰落處宜諸客
荔子生時值萬金
盡遲回官舍近
不妨閒坐石門深
四邊稻熟征輸了
稍愜微官出郭心

遊玉尺山寺

永日清陰喜獨來
野僧題石作吟臺
無詩可比顏光祿
每憶登臨却百回

醉石

萬仞峯頭一水傍
晨光霽色助清涼
誰知片石多情甚

曾送淵明入醉鄉

龍興觀假山

誰將怪石疊危巔，移得仙家小洞天。
烏鵲過時無玉笋，黃花散處有金鈿。
茶烟早晚成雲霧，松雨高低作澗泉。
莫道此山都是假，世間萬事盡皆然。

許尚

華亭雜咏

征北遺碑

崎嶇尋古隧，衰草隱寒原。
欲讀將軍事，豐碑祇半存。

白龍洞

呼吸湖中水山椒寄此身洞門風雨夜電火逐雙鱗

石魚

雙鯉何年刻悠然鬚鬣全登臨忽懷遠尺素若為傳

丹井

人與室與化陰森松竹寒時時見孤鶴於此守神丹

芥子菴

院外三椽建常思憩息時莫教嫌逼窄中有五須弥

三女岡

王強知無有香魂計已消頻來吟楚些歲久若為招

石幢

屹立應千載傳因海眼成蓬萊水三淺曾不見欹傾

沈光碑

壯士為儒恥捐軀志所甘無名預青史幽憤亦何堪

僧安公像

浮鉢來滄海幡然厭世塵普陀岩畔月長照定中身

石獸

刻鑿如何謂彌年亦有神宵行無足怪一吼亦驚人

孔宅

廟貌逾千祀泥封古碣昏傳云素王宅真蹟與誰論
陸機故址

華第今何在千年漫有名披蓑問遺裔寂寞一傷情

靈峰菴

路擁金沙地高人此築菴為詢林下客妙語與誰參
隆按尚字爵莫考自號和光老人所著有華亭百
咏今所存者止此而已

余
爽

玉京洞

羽駕歸來洞已扃
洞門深鎖讀殘經
瓊臺一覺仙都夢
不覺松根長茯苓
東臨滄海宴羣仙
誤入桃源小洞天
一局殘棋消幾刻
老龍鱗甲已蒼然

許子紹

留題龍隱岩

矯首初來北斗峯
直穿山腹作玲瓏
石間蛻骨痕猶在
淵底藏珠水更通
霖雨幾年崑野去
卧龍何處草廬空

眼中要識真英物寫迹無勞想下風

張

擴字彥實鄱陽人歷中書舍人

觀梅西湖

天上新驂寶輅回看花仍趁雪英開折歸忍負金蕉葉
笑插親臨玉鏡臺女堞未須翻角調錦囊先喜助詩杯
少蓬自是調羹手葉底應尋好句來

過澱湖

昨日過湖風打頭葦蒲深處泊官舟近人鳥鳥語聲碎
瀕海風烟日夜浮午飯腥醢半鮭菜客牀顛倒一皮裘

平生浪說在家好老向風波未肯休

廖正一

字明畧號竹林居士安陸人元祐中召試館職見知東坡有白雲集名亞四學士

和補之梅花

蕙蘭芳草久睽離偶洩春光此一枝自許輕盈羞粉白
何人間麗得鄰窺寒欺薄酒魂消夜月入重簾夢破時
幸有暗香襟袖暖江南歸信不應遲

答張十八畫

玉人風味風相親骨法多奇巫峽神何幸丹青煩右相
坐令虛室四時春

郭儼 字思之 徙居金華官評事

曉睡

村巷閒無事 天明慙黑鄉 草生詩意足 花落夢魂香 地
迎秋供爽雨 餘風薦涼休 令山鳥聞吾欲傲羲皇

蘭谿

蘭陵山下翠烟浮 溪水潺湲九曲流 落盡江梅開鐵笛
烟波何處問垂鈎

曾空青

清樾軒

卧聽灘頭瀲瀲流
冷風淒雨似深秋
江邊石上烏桕樹
一夜水長到梢頭

竹間佳樹密扶疏
異鄉物色似吾廬
清晨開門出負水
已有小舟來買魚

俞應奎

秦皇石

在昌化縣
百丈山下

袒龍盛氣役神鞭
壁立無移只屹然
定是先朝陳寶化
陰靈寂寂笑求仙

曾宏正

癸水亭

危亭倚崑隈，聲名叶地識。
時浮桂藕香，永絕戈甲祲。
敗柳裊絲烟，枯荷立霜朽。
呼童理吳榜，日月數乘興。

白龍岩

老仙乘白龍，飛入白雲鄉。
崑前刻舟痕，遊子常彷徨。
清商韻風松，疑有笙鶴翔。
我欲往從之，居然塵鞅羈。
酒闌下山去，回首空慷慨。

題西山

足倦尚躋攀，南來第一山。
撐空列崑嶺，拂閣聳孱顏。
莫

作炎山看渾疑雁岩間輸他痴衲子終老白雲關

周光嶽

長沙

江上南風起白蘋長沙城郭異咸秦故鄉猶自嫌卑濕
何況當時賦鵬人

吉康國

和運使修昇陽觀落成

被命經營始鳩工結構初深嚴開殿奧高敞稱樓居室
外飛簷巖巖隈下屋渠鐘聲薄霄漢祠事走丘墟遯世

誰能灑登高垣莫如霍遊三島駕人望五雲車綺井風
光潤踈寮月影舒威儀模紫極形勢輦堪輿池有泉球
舊壇空級石餘霓旌那復下絳簡更誰書童子追前躅
愚生泣太虛烟霞猶赫奕松竹自扶疎封號方連進休
祥已密儲躋茲仁壽域率土慶于胥

張 鏌

送向綜通判桂州

百里常淹展驥材除書遠自九天來綠油車上揚旌去
畫艚舟中疊鼓催桂嶺花光紛似雪荔江波色綠如苔

訟庭塵滿無留事誰伴登臨燕席開

艾申

踈山

夾道蒼松六月寒塵埃只隔白雲閒重遊恰是十年後
往事空驚一夢間傑閣漫誇新卜築危亭不似舊躋攀
憑誰說與矮師叔投老求分一半山

周之翰

題踈山

危亭敞層巔上與霄漢逼畫工無藏技遙露一寸碧天

風掃微雲宛轉樹頭直不須剪狂柯自與眼界極道人
久何嘗白足謝塵域苔青石磴險携客半支錫瘦竹漏
殘日清禽破初寂豈知不可留何苦事行役薄浪吹船
頭又作城中適回首謝書山他年問消息

吳

字元中

題山光寺壁上墨竹

綠髮青衫舊竹居墨卿揮拂更清新斷枝活葉風蕭瑟
想見凌雲百尺身

曾囙

跋山

草徑蜿蜒十里間雲間若在畫圖看萬松密翠地無影
一水長清空自寒

張田

龍隱岩

龍隱晦冥時莫考龍驤拏攫迹堪驚孔明久卧養全德
老子忽飛歸太清溪上一天常氣勝洞中六月自寒生
至人不得無情處甘澤年年洒百城

徐直方

觀水

滄浪無盡水夜夜隨潮去若復作潮來滄江止不住

王陶

異服

卒有嘆被髮趙靈喜胡服遂成陸渾戎終有沙丘辱用
夷反變夏亡禮以從俗先王仁義術詎用此求福齊桓
九合功不以兵車穀仲尼嘆微管幾為左袵屬邇來豪
俠兒往往異裝束耀武何必然禦戎有前躅余敢告司
關異服宜禁肅

有竇復者世居鎮戎能道邊事

君不見鎮戎德順弓箭手耕種官田自防守相圍置堡
禦蕃軍下視賊庭殊不有殺羊取骨燃艾炙試卜賊兵
知入寇都校招呼入堡居堡外重圍百里餘墻低城小
不難破賊箭如棚疑當作蓬城上過堡中不及數十人且鬪
且罵且欣欣登陴斫門謂平取應弦死傷已無數窓間
走箭射首豪一箭已聞哭聲舉爭將錦囊裹賊尸鳴金
收眾唯恐遲不惟城堡依然固吾眾不傷毫與釐自從
干戈動西鄙覆車殺將曾無恥朝廷未省遺邊功何事

此勲不聞紀安得天兵百萬眾盡如此輩堅且勇

江端友

字子我陳留人鄰幾子靖康初登進士第

九日詩

萬乘天南隔傷心九日來蓬驚秋日後菊換

圖周鼎湯猶繫夏臺東鄰那一醉塵鬱恥虛囂

章

夏

字彥明寧國人大觀三年進士歷官潭州通判著有襄潭集十卷

山門夕陽洞

暖憑磴蘚坐蔭覓喬松倚一詣雲屋深猿鶴頗相喜霜
髯白紛紛謂我作黃綺

漣漪洞

石竇定神鵝控隘潭水際神靈浮槎入想到珠宮憇豈
似武陵源尚容人避世

碧雲洞

褰裳踏寒流路險仰復偃崖根乳積雪石脉泉溜雨融
結知何年人間閱今古

張堅

將之豫章別葆光先生

深山喚我陪輕舉土館留君養大還莫問世間離別念

他年相見兩童顏

鶴廟松

聞采茯苓者傷其根遂枯其半

誰種飛仙百尺梯
風摧雨折昔人非
憑誰寄語揚員外
留取孫枝待令威

茅山雨中

疎疎霧雨悶朝晴
無那浮雲先自生
傳語洞靈休勒駕
而今逋客已歸耕